

Marau:	Te Reo Rangatira
Kaupae:	1
Ngā Paerewa Paetae:	91659, 91662, 91664

---

## 91659: Te whakapuaki whakaaro hei tuhinga whakamōhio

### Tirohanga

Kua ngāwari te whakatakotoranga o te aromatawai mā te ākonga. Kua kitea te āheitanga o te ākonga ki te whakawhanake i ōna whakaaro, i āna māramatanga ki te horopaki nāna i tīpako.

He rawe tonu te kite i ngā ākonga e āta whakatakoto ana i ō rātau whakaaro ki te mahere whakairo.

### Pūrongo paerewa paetae

Ko ngā ākonga i eke ki te **Paetae** i te paerewa paetae nei:

- kua whakawhanake i ōna whakaaro mō tētahi o ngā kaupapa
- kua tīmata ki te whakataunaki i te tuhinga ki te tauira e hāngai ana ki te kaupapa
- me akiaki tonu te ākonga ki te whakawhanake tonu i ngā pūkenga mō te taha kārawarawa.

Ko ngā ākonga **Kāore i whiwhi** i te paerewa paetae nei:

- kāore i aro tana tuhinga ki ērā i whakaritea ai mō tēnei aromatawai
- he rehurehu, he ruarua rānei ngā kupu ā te kaituhi hei kawē i ōna whakaaro e hāngai ana ki tētahi o ngā kaupapa.

Ko ngā ākonga i eke ki te **Kaiaka** i te paerewa paetae nei:

- he kaha tō te kaituhi ki te whakaraupapa, ki te whakataunaki i ōna whakaaro
- ka whakaurua ētahi nuka reo hei whakatairanga i te kounga o tana whakapuakanga whakaaro
- mārama pai ana ki ngā āhuatanga tuhituhi pēnei i te kupu whakataki, i te whakaraupapa whakaaro, i te tuhi kupu hei whakatepe i ōna whakaaro.

Ko ngā ākonga i eke ki te **Kairangi** i te paerewa paetae nei:

- ka whakanikonikohia tāna i whakaputa ai ki te mahi a te nuka reo, arā, ki ngā kupu whakarite, ki ngā huahuatau me ngā whakataukī

- he hōhonu, he whānui tana mōhio ki ngā kaupapa o roto i tana tuhinga
  - he whānui tonu ngā momo rerenga, ngā tikanga tuhituhi e reka ai te putanga o te whakaaro hei tuhinga.
- 

## 91662: Te whakatau kaupapa hei tuhinga

### Tirohanga

Kua ngāwari hoki te whakatakotoranga o te aromatawai nei mā te ākongā. Kua kitea te āheitanga o te ākongā ki te whakawhanake i ōna whakaaro, i āna māramatanga ki te horopaki nāna i tīpako. Kua kitea te whakamahinga o te reo tohetohe hei whakatau i tā te ākongā e pai ai.

He rawe tonu te kite i ngā ākongā e āta whakatakoto ana i ō rātau whakaaro ki te mahere whakairo.

### Pūrongo paerewa paetae

Ko ngā ākongā i eke ki te **Paetae** i te paerewa paetae nei:

- ka whakaraupapa whakaaro e hāngai ana ki tētahi o ngā kaupapa
- ka tīkina atu he nuka reo e hāpai ai i tāna tuhinga, i tāna tohetohe.

Ko ngā ākongā **Kāore i whiwhi** i te paerewa paetae nei:

- kāore te tuhituhinga i te hāngai ki tētahi o ngā kaupapa
- kāore te tuhituhinga i eke i te 150–250 ngā kupu.

Ko ngā ākongā i eke ki te **Kaiaka** i te paerewa paetae nei:

- ka whakamāramahia ētahi o ngā whakaaro e whakatau ai i te kaupapa
- ka whakaurua he nuka reo e kaha ake ai i te whakatakoto o ōna whakaaro
- ka kaha te ākongā ki te tohe, ki te āta wetewete i te kaupapa.

Ko ngā ākongā i eke ki te **Kairangi** i te paerewa paetae nei:

- ka taunakihia ngā tohe ki te momo o ngā nuka reo, arā, ki te kupu karakia, ki te waiata tahito, ki te pūrākau, ki te whakataukī
- mārakerake ana te kitea te whānui, te hōhonu o te whakaaro e whai pānga ana ki te kaupapa nāna i whiriwhiri.

---

## 91664: Te tātari i te reo tuhituhi hou

### Tirohanga

Kua ngāwari te whakatakotoranga o te aromatawai mā te ākongā. Kua kitea te āheitanga o te ākongā ki te whakawhanake i ōna whakaaro tātari i te momo o te tuhinga ka whiriwhiringia e ia.

Kei reira tonu ētahi ākongā tē aro mai ai ki ngā tohutohu. Kāore i te whiriwhiringia kia kotahi kaupapa anake mai i te toru kōwhiringa hei tuhinga whakautu māna.

### Pūrongo paerewa paetae

Ko ngā ākongā i eke ki te **Paetae** i te paerewa paetae nei:

- ka whakamārama i te tikanga o t/ētahi o ngā nuka reo o te tuhinga
- ka whakatakoto, ka whakaatu hoki i ngā māramatanga ki ngā aria matua ka mahuta ake i te tuhinga.

Ko ngā ākongā **Kāore i whiwhi** i te paerewa paetae nei:

- kāore i ea ngā wāhanga katoa o ngā pātai
- he torutoru noa iho ngā kupu, ā, kāore hoki i hāngai ki te kaupapa
- he tāruarua noa i ngā kupu i te rauemi.

Ko ngā ākongā i eke ki te **Kaiaka** i te paerewa paetae nei:

- he whānui te whakamārama i ngā aria matua ka puta i te tuhinga
- he mōhio ki te whakaraupapa i ngā whakaaro e hāngai ana ki te horopaki o te tuhinga
- he whānui tana mōhio ki te wetewete me te whakarite i te tauira hei whakaatu i tana māramatanga ki ngā momo nuka reo.

Ko ngā ākongā i eke ki te **Kairangi** i te paerewa paetae nei:

- ka hōhonu te ruku i te momo o ngā nuka reo me te arohaehae i te huhua o ngā aria matua ka puea ake i ngā momo tuhinga.